

কীর্তন

“নামলীলা বিহারাণাং উচ্চৈর্ভাবাতু কীর্তনম্”

কীর্তন শব্দের আভিধানিক অর্থ গুণকথন বা বশঃখ্যাপন। কোন মহাজনের গুণ, বশ ও কীর্তিগাথাই কীর্তন গান। সাধারণ ভাবে কীর্তন বলতে আমরা শ্রীকৃষ্ণলীলায় মহিমাপ্রকাশক গানকেই বুঝে থাকি। কীর্তনকে কীর্তনতন ভাবলে আমরা সঙ্গীতের কী বিশেষ রত্ন এর মাঝে লুক্কায়িত আছে সে কথাটি ভাবতে পারি। কীর্তনীয় ও ভাবুক শ্রোতা মাঝেই জানেন যে কীর্তনে সঙ্গীতের কোন বিশিষ্ট রত্ন রয়েছে। কীর্তনের কথায় আমরা সংকীর্তন কথাটিও পেয়ে থাকি। কীর্তন ও সংকীর্তন প্রায় একই অর্থ-বাচক। সংকীর্তনকে ‘সমবেত-গুণগাথা-সঙ্গীত’ বলা যায়। নামগান যখন বহুজনে সমবেত কণ্ঠে গেয়ে থাকেন তখন তাকে বলা হয় সংকীর্তন। বহুজনে একত্রে কীর্তন করতে করতে যখন নগর পরিক্রমা করেন তখন এই সমবেত কণ্ঠের কীর্তনকে নগর-সংকীর্তন নামে অভিহিত করা হয়। সঙ্গীত রত্নাকর গ্রন্থে বর্ণিত কীর্তিলহরী গান থেকেই বর্তমানের কীর্তন গান এসেছে বলে অনেক পণ্ডিত ভেবে থাকেন, আবার অনেকে একথা স্বীকার করেন না। মহাপ্রভুর রূপায় বাংলাতেই কীর্তন গানের প্রচলন বেশী। সেই কারণে অনেকে কীর্তনকে বাঙ্গালী জাতির নিজস্ব সঙ্গীত বলে মনে করেন। কবিগুরু রবীন্দ্রনাথের ভাষায়—

“কীর্তনে জীবনের রসলীলার সঙ্গে সঙ্গীতের রসলীলা ঘনিষ্ঠ ভাবে সম্মিলিত।”...

“কীর্তন হচ্ছে রত্নখালা রূপসীর গলার। বেজন রসিক, প্রত্যেক রত্নটিকে প্রিয়কণ্ঠে বসন্ত করে সে দেখতে পায় না—দেখতে চায় না। রত্নগুলিকে আক্সলাং করে যে সমগ্র রূপটি নানাভাবে হিমোলিত, সেইটেই তার দেখবার বিষয়।”—সংগীতচিন্তা।

“বাঙ্গালীর কীর্তন গানে সাহিত্যে সংগীতে মিলে এক অপূর্ব সৃষ্টি হয়েছিল—তাকে প্রিয়মিতি ও কোক মৃজিক বলে উড়িয়ে দিলে চলে না। উচ্চ অঙ্গের কীর্তন গানের আঙ্গিক খুব জটিল ও বিচিত্র, তার তাল ব্যাপক ও দুর্ভেদ্য, তার পরিসর হিন্দী গানের চেয়ে বড়ো। তার মধ্যে যে বহু শাখায়িত নাট্যরস আছে, জা হিন্দুস্থানী গানে নেই।” স্বর ও সংগীত—রবীন্দ্রনাথ।

বাংলাদেশের ও বাঙ্গালী জাতির নিজস্ব উচ্চাঙ্গ ও বৃহদঙ্গ এই সঙ্গীতকে কাব্য-সঙ্গীত, নাট্য-সঙ্গীত, লোক-সঙ্গীত, প্রেম-সঙ্গীত, ভাব-সঙ্গীত প্রভৃতি নানা

নামে অভিহিত করা হয়। স্বর ও ভাবের হৃদয়ায় ভরা, কথার ওপর কথার জাল বুনে এক আবেগে ভরিয়ে তোলা হয়। তালকে যন্ত্র দিয়ে রাগকে সন্ধান জানিয়ে, হৃদয়াবেগ ও গভীর ভাবানুভূতিতে ভরা এই ভাব-সঙ্গীত, নীলা কীর্তনে মহান নাট্য-সঙ্গীতের আকারেই প্রকাশিত হয়ে থাকে। কীর্তনে রাগ যানা হলেও রাগের নিজস্ব মেজাজকে বিশেষ প্রাধান্য দেওয়া হয় না। ঈশ্বরের প্রতি প্রেম ও ভক্তির ওপর নির্ভর করে ভাব রূপে ছুব দিয়ে এখানে আমরা রাগ-রসকে সোঁদ করি। শ্রীভক্তবানের প্রতি প্রগাঢ় প্রেম ও ভক্তি না থাকলে, তাকে একান্ত আপনজন বলে ভাবতে না পারলে কীর্তনে সত্যাকার রস সঙ্গায় করা সম্ভব হয় না। কীর্তনের মতিগতি, তার প্রাণ, হিন্দুস্থানী উচ্চাঙ্গ সঙ্গীত থেকে কিছু ভিন্ন ধরণের। গভীর হৃদয়াবেগই এর সর্বস্ব। সেই আবেগের স্রোতে রাগ নিজেকে বড় করে প্রতিষ্ঠিত করতে পারে নি। রাগ এখানে সোঁদ, প্রেমাপ্রিত ভাবাই এখানে মূখ্য। কীর্তনের গায়ককে ভাবাহারী ভাবায় প্রয়োগের অধিকার দেওয়া হয়েছে। পৃথিবীর কোন দেশের কোন উচ্চাঙ্গ সঙ্গীতেই গায়কের এই অধিকার নাই। কীর্তনের ভাব, তার স্বর, তার আবেগ, তার ধর্মতা প্রভৃতি সমস্ত গুণের একত্র সমাবেশ ও পৃথিবীর কোন দেশের কোন সঙ্গীতে পাওয়া যায় না। এটিই কীর্তনের বৈশিষ্ট্য।

অনেকের ধারণা যে কীর্তনের জন্মকাল খ্রীচৈতন্যের কাল থেকে, কিন্তু প্রকৃতপক্ষে তা নয়। খ্রীশ্রীমহাপ্রভু চৈতন্যদেব কীর্তনের এক বিশেষ ভাবধারার স্রষ্টা ও সর্বশ্রেষ্ঠ প্রচারক, তাঁর আগে সকলের নামে কীর্তনকে এভাবে কেউ তুলে ধরতে পারে নি। আর কোন মহাজনই বাংলার সর্বসাধারণকে কীর্তনের ভাবে এমন মতিয়ে তুলতে পারেন নি, তাই খ্রীচৈতন্যদেবকেই সকলে কীর্তনের স্রষ্টা বলে মনে করেন। প্রাক-চৈতন্যযুগেও কীর্তন গানের অস্তিত্বের প্রমাণ পাওয়া যায়। জয়দেব, বিষ্ণুপতি, চণ্ডীদাস প্রভৃতির পদ্যাবলী অবলম্বনে কীর্তন গান করা হত। যতদূর জানা যায় ষাটশ শতাব্দির শেষের দিক থেকেই বাংলা দেশে কীর্তন গানের প্রচলন আরম্ভ হয়েছে।

কীর্তনের দুটি বিভাগ, প্রথমটি হল নাম-কীর্তন বা নাম-সংকীর্তন, আর দ্বিতীয়টি হল নীলা-কীর্তন বা রস-কীর্তন। “হরে কৃষ্ণ, হরে কৃষ্ণ, কৃষ্ণ কৃষ্ণ হরে হরে, হরে রাম হরে রাম, রাম রাম হরে হরে”; “শ্রীকৃষ্ণ চৈতন্য প্রভু নিত্যানন্দ, হরে কৃষ্ণ হরে রাম শ্রীরাধে গোবিন্দ, প্রভৃতি নাম-গানকেই নাম-কীর্তন বলা হয়। দীনহাত্যচক গান, আত্মনিবেদনাদি বিষয়ক গান বা প্রার্থনাদিকে নাম-

সংকীৰ্তনের মধ্য ধরা হয়। নাম কীৰ্তনে চিত্ত ভক্তি হয়, তাই বৈষ্ণব সাধক মাঝেই নাম কীৰ্তনের অভিলাষী, এখানে রাগ, ভাল, স্বর, লয়ের অপেক্ষা নামই প্রধান, যদিও এগুলি বিভিন্ন তালে বা তির তির সুরে পাওয়া হয়। এটি সাধনার সহজ অঙ্গ, তাই সাংগীতিক মূল্যে নাম-কীৰ্তনকে ঘাটাই করা যায় না।

তৃতীয়টি হল রস-কীৰ্তন—রাধাকৃষ্ণের বাল্যলীলা, তাঁদের রূপগুণ বর্ণনা, তাঁদের প্রেমলীলা প্রভৃতির বর্ণনা বা প্রশংসাদির বিষয়ই লীলা-কীৰ্তনের অঙ্গ। এই লীলা-কীৰ্তনের উচ্চতর গীতশৈলীর ঐতিহাসিক বিকাশ প্রথম ঘটে খেতরির রাজা শ্রীমন্তোষ দত্তের পৃষ্ঠপোষকতায় খেতরির মহোৎসবে। শ্রীমৃত খগেন্দ্রনাথ মিত্র এ সম্বন্ধে তাঁহার “কীৰ্তন গীত প্রবেশিকায়” (১৩৪৮) লিখেছেন “খেতরির মহোৎসব হইতেই কীৰ্তনের প্রণালীবদ্ধ গীতের আরম্ভ ধরা যাইতে পারে শ্রীমন্নিত্যানন্দ পত্নী জাহ্নবী দেবী, শ্রীনিবাস আচার্য প্রভু, মহাকবি ও গায়ক গোবিন্দ দাস, জ্ঞান দাস, সাধক প্রবর রঘুনন্দন, হৃদয় চৈতন্য প্রভৃতি সমাগত হইয়াছিলেন। এক্ষণ সাধু সঙ্ঘন ভক্ত ভাবুক রসিক গায়কগণের সমাবেশ বঙ্গদেশের ইতিহাসে আর কখনও ঘটে নাই। সমস্ত বঙ্গদেশে এই উৎসবে একটি সাড়া পড়িয়া গিয়াছিল এবং খেতরি যে ভাব-বক্তা আনিয়া দিল, তাহার প্রেরণায় অগণিত ভক্ত কবি, গায়ক, বাহক এই নৃতন ভাবের মাদকতায় এক শতাব্দীর অধিক কাল মুগ্ধ হইয়াছিলেন। শ্রীচৈতন্য নিত্যানন্দ অষ্টোত্তাচার্যের পরে এক্ষণ ভাবোদ্দীপনা আর হয় নাই। কীৰ্তন-সঙ্গীতের উচ্চতম শিখর এই খেতরিতেই অগণিত গুণীণ সমাবেশে দেখিতে পাওয়া গিয়াছিল এবং বর্তমানকালেও তাহারই ধারা চলিয়া আসিতেছে”। আবার বিশ্বভারতীর প্রকাশনে বিশ্ববিজ্ঞান-সংগ্রহে তাঁর লেখা “কীৰ্তন” বইটিতে ২৫ পৃষ্ঠায় খেতরির মহোৎসবের কথায় আরও লিখিয়াছেন “গোপালপুরের জমিদার, কুলদানন্দ দত্তের পুত্র নরোত্তম ঘোঁষনে গৃহত্যাগ করিয়া বৃন্দাবনে লোকনাথ পৌষামীর নিকট দীক্ষা গ্রহণ করিয়া একজন শ্রেষ্ঠ বৈষ্ণব বলে গণ্য হন……তিনি তাঁর জগৎভূমি দর্শন করিতে আসিলে তাঁর পিতৃব্য পুত্র সন্তোষ দত্তের অঙ্গরোধে গ্রাম প্রান্তে কুটির নির্মাণ করিয়া সেখানে ভজন সাধনে জীবনাতিপাত করেন”। এই নরোত্তম দাস ঠাকুরই খেতরির মহোৎসবের প্রধান উজ্জ্বল ছিলেন। এখানে ছয় বিগ্রহ প্রতিষ্ঠা করার পরই বৈষ্ণব জগতের সমস্ত মাতৃগণ্য মহাপুরুষদের নিমন্ত্রণ করা হয়েছিল। গৌরচন্দ্রিকা অর্থে গৌরাদ বন্দনা সহ প্রাচীন ভ্রূপদ গানের ভিত্তিতে লীলা কীৰ্তনের এক নৃতন ধারা ঠাকুর নরোত্তম দাস কর্তৃকই প্রবর্তিত হয়।

ভ্রূপদ বা খ্যাল গানের ধরাধার মত কীৰ্তনেও চার পাঁচটি ধরাধার নাম পাওয়া যায়। এগুলি বাংলা দেশের এক একটি স্থানের নামেই নাম পেয়েছিল।

- (১) গরানহাটি ঠাইল—রাজসাহী জেলার গড়েরহাট থেকে এসেছে।
- (২) মনোহরসাহী—বর্ধমান জেলার মনোহরসাহী পরগণা থেকে এসেছে। এই দুই ঠাইলই সর্বাপেক্ষা প্রাচীন ও উচ্চাঙ্গ ধরণের, এই মনোহরসাহী ঠাইল শ্রীনিবাস আচার্যের আবিষ্কৃত বলা হয়। মনোহরসাহী ঠাইলে নানা কাজ, নীড়, তান, মধুর বিস্তার প্রভৃতির বৈশিষ্ট্য শোনা যায়।
- (৩) রেনেটি ঠাইল—রাণীহাটি পরগণা থেকে এসেছে। মনোহরসাহী ও রেনেটি একই সময় থেকে প্রচলিত।
- (৪) মন্দারিণী—মেদিনীপুর জেলার গড় মান্দারণ থেকেই এর জন্ম। এই চার রকমের চণ্ড আজকের দিনে পৃথক পৃথক ভাবে প্রচলিত নাই। কোন গায়কই আজ কোন একটি চণ্ডে আবদ্ধ থাকেন না। পূজ্যপাদ পণ্ডিত অম্বৈত দাস বাবাজী, যিনি কীৰ্তন জগতে “পণ্ডিত বাবাজী” বলে পরিচিত ছিলেন, তিনিই বিশেষ বিশেষ ধরনার চাল নানা জায়গায় ঘুরে শিখে এসেছিলেন। কাশিমবাজারের মহারাজা মনীন্দ্রচন্দ্র নন্দী তাঁকে কাশিমবাজার রাজত্ববনে রেখে কীৰ্তনের উন্নতির চেষ্টা করেছিলেন। কীৰ্তনের আর এক ধরাধা “ঝাড়খণ্ডী” নামে পরিচিত, মেদিনীপুরের ঝাড়খণ্ড গ্রাম থেকেই এই চালের উৎপত্তি, বর্তমানে এই ধরনার গান আর শোনা যায় না।

কীৰ্তনে ময়নাডাল : “আজকাল ময়নাডালের কীৰ্তন” কথাটি শোনা যায়। ময়নাডাল বীরভূমের একটি গ্রামের নাম, সেই নাম থেকেই ময়নাডাল কথাটি এসেছে। এটি কীৰ্তনের একটি ধরনার নাম। বীরভূমের ম্যাজিস্ট্রেট সাহেব রসরাজ মিত্র ঠাকুর মহাশয়ই এই ধরনার প্রবর্তক। মহারাজ মনীন্দ্রচন্দ্র নন্দী এখানেও রসরাজ মিত্র ঠাকুরের ব্যবস্থাপনায় কীৰ্তনের বিজ্ঞানীয় স্থাপন করে বহু ছাত্রকে কীৰ্তন শিখাবার ব্যবস্থা করেছিলেন। অনেকের ধারণা অম্বৈত দাস বাবাজীও মিত্র ঠাকুরের ঘরে শিক্ষালাভ করেছিলেন। বর্তমানে এই ধরনার ধারক ও বাহক নবগোপাল ও গোবিন্দ গোপাল মিত্র ঠাকুর মহাশয়েরা এই ধারার কীৰ্তন পরিবেশন করে থাকেন।

কীৰ্তনের কাব্য : কীৰ্তন গানের কবিতাকে “পদাবলী” বলা হয়। সেন বংশীয় রাজা লক্ষ্মণ সেনের আমলে আমাদের অমর মহাকবি জয়দেবই সরল সংস্কৃতে প্রথম পদাবলী রচনা করেন। তাঁর লেখা গীত-গোবিন্দে পদাবলীগুলি পাওয়া

যায়। পরবর্তীকালে বিজ্ঞাপতি ও চণ্ডীদাস যথাক্রমে মৈথিলী ও বাংলা ভাষায় সর্বপ্রথম পদ্যাবলী রচনা করেন। তৎপরবর্তীকালে বাঙ্গালী কবিরা বিজ্ঞাপতির অঙ্করণে "ব্রজবুলি" ভাষায় ও চণ্ডীদাসের অঙ্করণে বাংলা ভাষায় পঞ্চদশ শতাব্দীর শেষভাগ থেকে উনবিংশ শতাব্দী পর্যন্ত (গোবিন্দ দাস, নরোত্তম দাস, জ্ঞান দাস, বলরাম দাস, ঘনশ্যাম, বাহু বোম প্রভৃতি) বহু পদ্যাবলী রচয়িতারা কীর্তনের অসংখ্য পদ্যাবলী রচনা করেছেন।

কীর্তনের রাগ ও সুর : কীর্তনের সুর এক বিশেষ ঢঙে রচিত। কামোদ, গৌরী, ভীমপলত্রী, ধানশী বা মায়ুর প্রভৃতি বিশেষ রাগের নাম কীর্তনের সুরে পাওয়া যায়। এর মধ্যে "মায়ুর" কীর্তনের এক বিশেষ মিশ্র সুর, যাতে বেহাগ, বাহাগ ও ক্রিষ্টিটের মিশ্রণ দেখা যায়। অনেকে বলেন শ্রীরূপ গোস্বামীর সময় থেকেই এই বিশেষ সুর প্রচলিত হয়েছে। এই সব রাগে রচিত কীর্তনের সুরগুলির একটি বিশিষ্ট ধরণের রূপ আছে।

কীর্তনের জাত সুর : আগের দিনের নামকরা কীর্তন গায়ক ও সুর রচয়িতা মহাজনেরা কয়েকটি গানে অনেক চিন্তা করে যে ভাবের সুরারোপ করে গেছেন সেগুলি "দাগী" গান বলে চলে আসছে এবং সেই বিশিষ্ট গানের বিশিষ্ট সুরগুলিকে "জাত সুর" বলা হয়। অভিজাত বৈষ্ণব সমাজে এই মহাজন প্রদত্ত সুরগুলি বিশেষ মর্যাদা পেয়ে থাকে। কোন কীর্তনীয়া যদি এই সব দাগী গানের জাত সুর লঙ্ঘন করেন, তবে তাঁরা কীর্তন সমাজে অপরাধী বলে গণ্য হয়ে থাকেন। কোন কীর্তন সমাজই দাগী গানের সুরের অদল বদল অহুমোদন করেন না। স্বর্গীয় ভক্তার অমিয় সাত্তাল মহাশয় বলেছেন যে—কীর্তনের এই জাত সুরগুলি আমাদের প্রাচীন শাস্ত্রোক্ত জাতিরাগের কার্যকারী অন্তর্ভুক্ত।

কীর্তনের ডাল : কীর্তনে বহু প্রকার তাল ব্যবহৃত হয়ে থাকে, তার মধ্যে মনসুই (ছোট ও বড়), ডাঁশ পাহিড়া, দামপ্যারী বা ডাঁশ পেড়ে, জপতাল, ধামালি, দোঠুকী, ছোট দোঠুকী, ভেঙট, কাটা ধরা, একতাল, দোজ, বাঁতি, লোকা প্রভৃতির নামই শোনা যায়।

কীর্তনের সঙ্গতে বাস্তব সঙ্গ : কীর্তনে শ্রীখোল ও করতাল ব্যতীত আর কোন বাস্তব অহুমোদন করা হয় না। কঠিনিঃসৃত সুরকেই এখানে প্রাধান্য দেওয়া হয়।

কীর্তনের আখর : হিন্দুস্থানী উচ্চারণ সঙ্গীতে উপস্থিত মত সুর রচনা করে

রাগের বিস্তার করা হয় রাগের সৌন্দর্য বাড়ানোর কারণে; কীর্তনেও সুর বিস্তারের সঙ্গে ভাবের অঙ্কুরে, বিনা পূর্ব প্রস্তুতিতে উপস্থিত মত বাক্য রচনা করে ভাবকে গভীরতর করা হয়। গানে এইভাবে ভাবের অর্থে অঙ্কুরের বিস্তারকেই আখর আখ্যা দেওয়া হয়। এতে গায়কের স্বভাবতা, তার কবিত্ব শক্তি, তার রসজ্ঞান এবং লয়-বোধ প্রভৃতির গভীরতার পরিচয় পাওয়া যায়। হিন্দুস্থানী উচ্চারণ সঙ্গীতে যেমন সুরের বিস্তারে ও তানে গায়কের গুণগণার পরিচয় মেলে, কীর্তনের আখরে তেমনি কীর্তনীয়ার প্রতিভার পরিচয় পাওয়া যায়।

কীর্তনের সহিত সঙ্গতের ধারা : হিন্দুস্থানী সঙ্গীতের মত অতি কঠিন ভাবে লয় মেনে চললে কীর্তনে কখন কখন তাল লয়ে ছোট বড় হতে দেখা যায়। আগেই বলেছি কীর্তন ভাবপ্রধান গান, ভাবের আভিপ্রেত্য-সময় সময় এতে তাল কাটা অসম্ভব নয়। কীর্তনের সঙ্গতে তাই দৃক খোল বাজিরের দরকার, যিনি সহজেই গাইয়ের ভাবের সঙ্গে ভাব মিলিয়ে কথাখানে ঘা দিতে পারবেন। গভীর ভাবাবেশে খোল বাজিয়ে "লহর" বাজাবেন। অঙ্কুরে অঙ্কুরে ভাবের পরিপূর্ণতার সময় মাতান বাজিয়ে মান পাড়বেন এবং আখরের সময় বাজাবেন "কাটান", গানের সঙ্গে এই ভাবের সঙ্গত হলে তবেই শ্রোতার আনন্দ পাবেন, গানটি রসভাবে ভরপুর হয়ে উঠবে, কীর্তনীয়াও আনন্দে মেতে উঠবেন এবং নৃতন নৃতন আখরে ও সুরের সূক্ষ্ম জাল বুনে গানকে উচ্চতরের করে তুলবেন। সর্বদা মনে রাখতে হবে যে বাস্তব গীত অহুমোদন, তার ভাব হবে ভাবের অঙ্কুর এবং গীতের অহুমোদনকারী, তবেই গানের মার্ঘ্য বৃদ্ধি পাবে।

চপ কীর্তন : বাংলার যশোর (যশোহর) জেলার মধুসূদন (কিন্নর) কান নামে এক প্রতিভাবান গায়কই এই ঢালের প্রবর্তক। উনিশ শো শতাব্দীর মাঝামাঝি চপ কীর্তনের জন্মকাল। এটিও রাধাকৃষ্ণের লীলা বিবয়ক গান। গানে কীর্তনের ছাপ থাকলেও এর প্রকাশভঙ্গীতে একটি বিশিষ্ট সুরের ভঙ্গী থাকে যে কারণে একে সহজেই কীর্তন থেকে আলাদাভাবে চেনা যায়। এতে রাগের ব্যবহার ও চলন রক্ষা করা হয়। মাঝে মাঝে গান ধামিরে সুরে কথা বলার রীতিও রয়েছে। বর্তমানে এ গান আর বিশেষ শোনা যায় না। এটিকে কীর্তনের এক প্রকার সরল রীতি বলা চলে।

বাউল : বাউল শব্দটি বাতুল শব্দ থেকে বা হিন্দি বাওরা শব্দ থেকে এসেছে। বাতুল বা বাওরা শব্দের অর্থ পাগল। বাবুর মত ঈশ্বরের সঙ্গে